

18. *CANTHARIS praecox*, NOB.

Tab. 1. fig. 9.

*Nigra, capite antice, thorace abdomineque rufo-testaceis;
thoracis macula discoideali nigra.*

Longit. lin. 3. — Latit. lin. $\frac{3}{4}$.

Haud rara a *Pula*, a *Santa Barbara*, a *Iglesias*, mm. martio et aprili.

DESCR. Statura parva *Canth. fulvicollis*, Fabr. Caput nigrum, nitidum, antice seu ab antennarum insertione rufo-testaceum: os rufo-testaceum palpis nigris. Antennae nigrae, articulo primo interdum obscure rufescente. Thorax transversus, angulis anticis rotundatis, posticis obtusis, supra inaequalis, convexus, anterieus declivis, margine omni reflexo, rufus, nitidus, macula media nigra, margine antico in *maribus* adnexa. Scutellum nigrum, triangulare.

Elytra elongata, thorace paullulum latiora, parum convexa, nigra, nitida, creberrime ruguloso-punctata, tenue pubescentia. Truncus infra niger, pubescens: abdomen penitus rufo-testaceum. Pedes nigri, unguiculis rufo-testaceis.

Obs. Copulam semel observavi: femina a mare differt statura aliquantulum proceriore, maculaque nigra thoracis minore, a margine antico discreta.

